

SCRIPTA

Numéro Scripta : 3727

Auteur(s) : Louis IX, France (roi)

Bénéficiaire(s) : « cives », Rouen (ville)

Genre d'acte : vidimus

Authenticité : non suspect

Datation : 1270, février

Lieu d'émission : Paris

Action juridique : confirmation

Langue du texte : latin

Analyse

Louis [IX], roi de France, vidime un mandement du roi Louis [VIII] sur la justice des habitants de la cité (cives) de Rouen.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 777, p. 178.

Texte établi d'après a

Ludovicus, Dei gratia, Francorum rex. Notum facimus universis, tam presentibus quam futuris, quod nos litteras inclite recordationis regis Ludovici, genitoris nostri, vidimus in hec verba :

Ludovicus, Dei gratia, rex Francorum, universis baillivis, majoribus et prepositis suis, ad quos littere presentes pervenerint, salutem. Nosse vos volumus nos concessisse per cartam nostram dilectis et fidelibus nostris civibus Rothomagi, ut, si, super debitis vel conventionibus factis Rothomagi, debitor vel ille qui conventionem fecit cum civibus Rothomagi vel aliquo eorum, Rothomagum non veniret, nos eum, si in justicia vel potestate nostra esset constitutus, compelleremus ad veniendum Rothomagum, et juri parendum coram majore Rothomagi, si debitum vel conventionem recognoverit, et si debitum vel conventionem negaverit, ad standum juri coram baillivo nostro Rothomagi. Proinde vobis mandamus et firmiter precipimus, ut, sicut ex litteris presentibus apparet nos dictis civibus concessisse, vos sine dilatione efficaciter adimplere studeatis, quotiens et quando super hoc fueritis ab eis requisiti, ita quod, propter defectum vestrum jus eorum in aliquo non ledatur, secundum eam quam eis fecimus, ut predictum est, concessionem. Actum apud Pontem Arche, anno Domini M° CC° XX° III°, mense januarii.

In cujus rei testimonium, presentibus litteris nostrum fecimus apponi sigillum. Actum Parisius anno Domini millesimo ducentesimo sexagesimo nono, mense februarii.